

VI

ՍԱՐԳԻՍ ՔԱՄԱԼԵԱՆ

Յունիս 13-ին, Թիֆլիսում, յանկարծամահ է եղել մանկավարժ, գրող — հեքիաթագիր Սարգիս Քամալեանցը: Հանգուցեալը ծնել էր 1862 թ. Շուշուերում: Աւարտել էր Թիֆլիսի Ներսիսեան դպրոցը եւ ասուածաբանական բարձրագոյն կրթութիւն ստացել Գերմանիայում: Սկսել էր գրել դեռ սրտոանի հասակից Տ. Նազարեանի «Աղբիւր» եւ «Տարազ» պարբերականներում, ապա՝ «Նոր-Դար»-ում, «Լուծայ»-ում եւ այլն: Պատկանում էր պահպանողական ուղղութեան: Իր գրած քների նիւթը, մեծ մասամբ, առնում էր ժողովրդական կեանքից եւ բանահիւսութիւնից: Քամալեանցի գրած քներից մի ժամանակ շատ էին կարդացւում՝ «Շէն թաղաւորի աղջիկը», «Ծովինար»-ը, «Ժամանակը Ոսկի», «Խուլ Խաչիկը», «Անմեռ Աշխարհ», եւ այլն, ինչպէս նաեւ ԴԱՄԻԳԻՍԻ «Սիրտ»-ի եւ «Աչակերտի Յիշատակարան»-ի թարգմանութիւնները:

VII

ՌԻՐԻՇ ՄԱՀԵՐ

Անցած երկամսեակի ընթացքում, յունիս 19-ին, Պօլսում վախճանեց վաստակաւոր դրագիրուհի Սիպիլը, որի կեանքին ու գործին առանձին յօդւած կը նւիրենք «Վէմ»-ի 2-րդ համարում:

«Վէմ»-ի 2-րդ համարում յօդւած կը լինի եւ երիտասարդ գործիչ Տիգրան Աւետիսեանի մասին, որի եղերական մահւան լուրը հաղորդեց արտասահմանի թերթերում:

Ստիպւած ենք յետաձգել նաեւ Թ. Թորոմանեանի ու Մ. Վառնդեանի կենսագրութիւնները:

